



Autoridade Nacional do Petróleo

City 8 Compound, Rua Has-Laran, Aldeia Fomento II, Suco Comoro, Dom Aleixo, Dili, Timor-Leste
PO Box 113, Telephone: +670 73099995 / 73099996/73099997

ANÚNSIU PÚBLIKU KONA-BA AJUDIKASAUN DIREITA BA KONTRATU

Autoridade Nacional do Petróleo (ANP) representa Ministeriu Petróleu no Rekursu Minerais asina eskritura ba alterasaun ba Kontratu Fahe Produsaun (KFP) TL-SO-T 19-11 ho kompañia Finder Energy Pty Ltd, hamutuk ho nia konsórsiu Timor Gap PSC 11-106 Unipessoal Limitada iha loron 6 fulan Setembru tinan 2024, iha Salaun *Leadership* City 8, Dili, Timor-Leste. Hafoin asina tiha eskritura alterasaun, kompañia Finder Energy Pty Ltd hanesan operadór ba KFP hetan direitu tomak atu hala'o servisu esplorasau hodi buka potencialidade ba mina no gas iha área refere. Kompañia Finder Energy Pty Ltd rasik iha kompromisiu atu hala'o servisu esplorasau durante tinan 3, ne'ebé kobre reprosesamentu ba dadus sísmiku Ikan 3D no mos servisu adisionál sira ne'ebé kobre aspetu Geofíziku no Geolojia nomos engenharia, hodi bele suporta no aselera dezenvolvimentu kampu Jahal no Kuda Tasi. Kompromisu hirak ne'e hetan ona akordu no prezerva ona iha eskritura ba alterasaun KFP nian .

Oras ne'e dadaun, kompañia Finder Energy Pty Ltd ramata ona reprosesamentu ba dadus sísmiku Ikan 3D ho rezultadu ne'ebé pozitivu no mos aumenta konfiansa bo'ot ba parte kompañia Finder Energy Pty Ltd atu bele continua keda ho servisu nesesáriu sira seluk. Ho nune'e, hafoin ramata tiha prosesu expresaun interesse nian (EOI), parte kompañia rasik formalmente submete pedidu mai ANP, atu halo ajudikasaun direita ba *Schlumberger Australia Pty Ltd* (SLB) ba iha kontratu *Front End Engineering Desing* (FEED) ne'ebé relaciona ho *Integrated Drilling and SURF management Services FEED* atu bele suporta objetivu prinsipál husi KFP nomos alkansa dezenvolvimentu ba iha kampu Jahal no Kuda Tasi iha tempu badak nia laran. Justifikasaun forte atu aprova pedidu husi kompañia Finder Energy Pty Ltd mak hare ba realidade katak SLB iha especializasaun espesífiku no kapasidade próprio ne'ebé inklui kompeténsia úniku, teknolojia, metodolojia no propriedade intelektuál ne'ebé importante tebes ba ezekusaun projetu ida ne'e. Aleindé ne'e, SLB mos iha kapasidade integradu, efisiénsia operasionál, esperénsia atu adere tuir Lei Petrolífera sira nian, no mos propriedade intelektuál ne'ebé hetan esperénsia mundial ona. Nune'e mos, fatór urjensia no tempu sai hanesan elementu importante atu bele konsidera mós, tamba hare ba nesesidade atu aseguira produsaun, ne'ebé tuir planu sei akontese iha tinan 2027.

Iha tempu hanesan, fatór efisiénsia kustu no fatór optimizasaun rekursu mós sai elementu importante ida ne'ebé presiza atu konsidera, tamba ajudikasaun direita ida ne'e, sei halakon nesesidade ba kustu adisionál ne'ebé kobre formasaun, empregu, no seluk-seluk tan. Adisionalmente, SLB mós oferese folin ida-ne'ebé atrativu tebes , inklui deskontu ba servisu hirak ne'ebé sei hala'o nu'udar parte ida husi *Front End Engineering Design* (FEED). Ikus liu, rezultadu análise merkadu no eskruzividade vendedor nian sai fatór adisionál ne'ebé presiza atu rekoñese tanba análise interna, ne'ebé hala'o husi kompañia Finder Energy hodi esplora fornecedor alternativu

sira konfirma katak SLB mak fornese dór úniku ne'ebé bele responde ba rekizitu tékniku, kualidade no alkansa objetivu integradu husi projetu ne'e.

Bazeia ba justifikasaun sira iha leten, ANP rasik mós hala'o ona diliénsia tuir Artigu 31 husi Dekretu-Lei n.25/2019 27 Agostu kona-ba tranzisaun Títulu Petrolíferu no Regulamentu Atividade Petrolíferu sira husi Área Dezenvolvimentu Petrolíferu Konjunta, hodi renunsia prosesu tenderizasaun ne'ebé prevee iha Artigu 10.1 (a) no 10.3 KFP TL-SO-T 19-11 no aprova mós aprosimasaun direta ba kompañia nomeada *Schlumberger Australia Pty. Ltd. (SLB)* atu apoia planu estratéjiku ba dezenvolvimentu kampu Jahal no Kuda Tasi.

****Ramata****